

# Lingua tamil

*Dâ Wikipedia, la nciclupidia libbira.*

La **lingua tamil** apparteni â famigghia dî lingui dravìdichi. È la lingua ufficiali dû Statu di l'Innia dû Tamil Nadu, veni parrata ntâ Sri Lanka (nnî banni di Tamil Eelam), è una dî 4 lingui ufficiali dâ Singapura e è 'n minuranza nnâ Malesia videmma.



## Ìndici

- Littiratura, Alfabbetu
- Grammàtica
- Sociolinguìstica
- Curiusitati
- Lijami sterni

## Littiratura, Alfabbetu

La littiratura tamil è ducumintata a partiri dî primi sèculi a.C. - la prima òpira nutata è lu *Tolkāppiyam* (pi tamil: தொல்காப்பியம்), la cchiù antica grammàtica doppu chidda sanscrita di Pānini (pi sanscritu: पाणिनि). La lingua malayālam (മലയാളം) è strittamenti mparintata ô tamil, essènnusi li dui distinti dû proto-tamil-malayālam a partiri dû VIII sèculu d.C. circa. L'alfabbetu tamil (o cchiù currettu, lu sistema di scrittura sillàbbicu tamil) diriva dû sistema di scrittura *Grantha* (pi sanscritu, ग्रन्थ).

## Grammàtica

Lu tamil è na lingua di tipu agglutinanti di tipu SOV: Suggettu, Oggettu, Verbu. Li sustantivi (e pronoma) vennu divisi pi classi ntra razziunali (dèi, umani) e nun razziunali (armali, oggetti, cuncetti astratti). Utilizzannu (forse ammuzzu) la tirminuluggìa grammaticali dû sanscritu e d'àutri lingui indu-europei, si ponnu distinguiri armenu 8 casi: numinativu, accusativu, dativu, cumitativu, ginitivo, strumintali, lucativu ed ablativu. Lu vèrbu hava tri tèmpi (passatu, prisenti, futuru).

## Sociolinguìstica

La lingua tamil (pi tamil: தமிழ்) si carattirizza pi na diglossia ntrâ lingua colluquiali (*koduntamil*) e lingua furmali (*centamil*).

## Curiusitati

La palora catamaranu diriva dû tamil *kattu-maram*: *kattu* "attaccari"; *maram* "àrvuru".

# Lijami stèrni

---

- (PDF) Lu testu dû Tolkāppiyam (<http://www.tamil.net/projectmadurai/pub/pm0100/tolkap.pdf>)
- 

Estrattu di "[https://scn.wikipedia.org/w/index.php?title=Lingua\\_tamil&oldid=705034](https://scn.wikipedia.org/w/index.php?title=Lingua_tamil&oldid=705034)"

---

**Sta pàggina fu canciata a 17:13 di lu 9 maiu 2015.**

Stu testu è dispunìbbili sutta â Licenza Creative Commons Attribuzzioni/Spartuta dâ stissa manera; si ponnu applicari àutri cunnizzioni. Talìa li Cunnizzioni d'Usu pi li dittaghî.